

# PHARMANIAGA SALBUTAMOL SYRUP

Salbutamol (2mg/5ml)

## Apakah yang ada pada risalah ini

1. Apakah kegunaan Pharmaniaga Salbutamol Syrup.
2. Bagaimana Pharmaniaga Salbutamol Syrup berfungsi
3. Sebelum mengambil Pharmaniaga Salbutamol Syrup
4. Cara mengambil Pharmaniaga Salbutamol Syrup
5. Semasa mengambil Pharmaniaga Salbutamol Syrup
6. Kesan-kesan sampingan
7. Cara penyimpanan dan Pelupusan Pharmaniaga Salbutamol Syrup
8. Maklumat lanjut
9. Pengilang dan Pemegang Pendaftaran Produk
10. Tarikh kemaskini RiMUP

## Apakah kegunaan Pharmaniaga Salbutamol Syrup

Ia digunakan membantu melegakan bronkospasme (penyempitan saluran pernafasan) untuk asma, bronkitis kronik (keradangan saluran pernafasan yang membawa udara ke paru-paru), dan emfisema (kerosakan pundi udara dalam paru-paru).

## Bagaimana Pharmaniaga Salbutamol Syrup berfungsi

Pharmaniaga Salbutamol syrup adalah tergolong dalam kumpulan ubat-ubatan yang dipanggil bronkodilator. Ini membantu untuk membuka saluran udara dalam paru-paru. Ini akan memudahkan udara untuk masuk dan keluar.

## Sebelum mengambil Pharmaniaga Salbutamol Syrup

### -Bila tidak boleh mengambil

Jangan ambil Pharmaniaga Salbutamol Syrup sekiranya anda:

- ada alahan kepada salbutamol, atau bahan-bahan kandungan dalam ubat ini (seperti dalam senarai di hujung risalah ini).
- mengalami keguguran terancam semasa trimester pertama atau kedua.

### -Sebelum mula mengambil Pharmaniaga Salbutamol Syrup

Beritahu doktor atau ahli farmasi anda sekiranya:

- anda ada alergi/alahan terhadap sebarang ubat, makanan, pengawet atau pewarna
- anda sedang mengambil ubat-ubatan *beta-blocking* seperti propranolol yang digunakan untuk merawat tekanan darah tinggi atau keadaan jantung.
- anda ada masalah jantung atau masalah tiroid
- anda sedang mengandung, dalam perancangan untuk mengandung atau menyusukan bayi. Penggunaan ubat semasa trimester pertama kehamilan adalah tidak digalakkan.

Doktor atau ahli farmasi anda akan berbincang manfaat dan risiko bagi penggunaan Pharmaniaga Salbutamol Syrup jika anda ada mana-mana keadaan seperti yang dinyatakan di atas.

### -Jika mengambil ubat-ubat lain

Beritahu doktor atau ahli farmasi jika anda sedang menggunakan ubat yang dipreskripsikan atau sebarang ubat-ubatan lain termasuk ubat herba dan suplemen yang diperolehi melalui farmasi, pasar raya atau kedai makanan kesihatan.

Adalah amat penting untuk beritahu doktor atau ahli farmasi jika anda mengambil ubat berikut:

- ubat *beta-blocking* seperti propranolol.

## Cara mengambil Pharmaniaga Salbutamol Syrup

Ikut segala arahan doktor atau ahli farmasi anda dengan berhati-hati. Arahan tersebut mungkin berbeza daripada risalah ini.

Sekiranya anda tidak memahami arahan pada label ubat tersebut, bertanyalah pada doktor atau ahli farmasi anda bagi menjelaskan arahan tersebut.

### Berapa banyak harus diambil

#### **Kanak-Kanak:**

2-6 tahun: Dos biasa 2.5ml (1mg) hingga 5ml (2mg) sirap.

6-12 years: Dos biasa 5ml (2mg) sirap.

Kanak-kanak biasanya boleh tahan dengan penggunaan salbutamol dan jika perlu, dos boleh dinaikkan tetapi secara perlahan-lahan.

#### **Dewasa:**

Dos berkesan yang biasa adalah 5ml (2mg) hingga 10ml (4mg) sirap bergantung kepada keadaan anda. Doktor mungkin akan naikkan dos sehingga 8mg (20ml) setiap dos sekiranya bronkodilatasi (perluasan saluran pernafasan) yang mencukupi tidak tercapai.

### -Bila perlu diambil

Ambil Pharmaniaga Salbutamol Syrup tiga atau empat kali sehari atau seperti yang diarahkan oleh doktor atau ahli farmasi anda. Ia boleh diambil sebelum atau selepas makan.

### -Berapa lama perlu diambil

Teruskan mengambil ubat ini selama mana doktor memberitahu anda. Amatlah penting untuk meneruskan pengambilan ubat ini walaupun anda sudah berasa lebih sihat.

### -Jika terlupa mengambil

Jika anda terlupa mengambil satu dos, ambil dos ini dengan segera sebaik sahaja teringat. Walaubagaimanapun, jika sudah menghampiri waktu untuk dos berikutnya, biarkan sahaja dos yang terlupa tadi dan teruskan dengan dos yang berikutnya mengikut jadual pengambilan ubat. Jangan gantikan dos untuk menggantikan dos yang terlupa dimakan itu.

### -Jika mengambil berlebihan (terlebih dos)

Pergi ke Jabatan Kecemasan hospital terdekat jika terambil dos berlebihan. Ini perlu dilakukan walaupun tiada sebarang kesan keracunan atau rasa tidak selesa. Anda mungkin memerlukan perhatian perubatan segera.

# PHARMANIAGA SALBUTAMOL SYRUP

Salbutamol (2mg/5ml)

## Semasa mengambil Pharmaniaga Salbutamol Syrup

### -Perkara yang perlu dilakukan

Sekiranya anda atau anak anda yang sedang menggunakan Pharmaniaga Salbutamol Syrup masih tidak rasa sihat selepas mengambil ubat ini, sila jumpa doktor anda semula.

### -Perkara yang tidak boleh dilakukan

Jangan ambil Pharmaniaga Salbutamol Syrup untuk merawat masalah lain kecuali atas arahan doktor anda.

Jangan beri ubat anda kepada orang lain walaupun mereka mengalami masalah yang sama seperti anda.

Jangan mengambil lebih daripada dos yang disarankan kecuali atas arahan doktor anda.

### -Perkara yang perlu diberi perhatian

Berhati-hati semasa memandu atau mengendalikan jentera berat sehingga anda mengetahui kesan Pharmaniaga Salbutamol Syrup terhadap anda.

## Kesan-kesan sampingan

Beritahu doktor atau ahli farmasi anda sekiranya anda tidak berasa sihat semasa mengambil Pharmaniaga Salbutamol Syrup. Ubat ini membantu kebanyakan orang tetapi ianya berkemungkinan memberikan kesan sampingan pada sesetengah orang.

Semua ubat akan menghasilkan kesan sampingan. Kadang-kadang kesan sampingan ini serius, kadang-kadang ianya tidak. Anda mungkin memerlukan pemerhatian perubatan sekiranya anda mengalami kesan-kesan sampingan tersebut.

Berhenti makan Pharmaniaga Salbutamol Syrup dan jumpa doktor dengan segera sekiranya mengalami:

- reaksi alahan seperti muka, bibir, kerongkong atau lidah menjadi bengkak, tompok-tompok merah pada kulit, perasaan gatal teruk atau sukar bernafas

Kesan yang serius termasuk kematian telah dilaporkan berlaku

selepas pengambilan terbutaline/salbutamol oleh wanita ketika bersalin. Kesan pada ibu termasuk peningkatan kadar denyutan jantung, glukosa darah tinggi sementara, tahap kalium darah rendah, denyutan jantung yang tidak teratur, pengumpulan cecair dalam paru-paru dan kurang pengaliran darah ke jantung yang menghalang daripada penerimaan oksigen yang mencukupi. Kurang tahap glukosa bagi janin dan bayi boleh berlaku hasil daripada pengambilan ibu mengandung.

Kesan sampingan kurang serius yang mungkin berlaku dengan Pharmaniaga Salbutamol Syrup adalah:

- Gegaran tangan
- Sakit kepala

Ini bukan senarai kesan sampingan yang lengkap. Kesan sampingan ini berlaku akibat tindakan salbutamol pada badan anda. Walau bagaimanapun, jika mana-mana satu kesan sampingan masih mengganggu anda, anda harus memaklumkan doktor anda.

Jika terdapat sebarang kesan lain yang menyebabkan anda rasa tidak sihat, beritahu doktor anda.

Anda boleh melaporkan sebarang kesan sampingan atau kesan advers ubat kepada Pusat Pemantauan Kesan Advers Ubat Kebangsaan melalui No. Tel: 03-78835550 atau laman web [npra.moh.gov.my](http://npra.moh.gov.my) (*Public → Reporting Medicinal Problems / Side Effects / AEFI/ Vaccine Safety*).

## Cara penyimpanan dan pelupusan Pharmaniaga Salbutamol Syrup

### -Penyimpanan

Simpan ubat ini di tempat yang dingin dan kering di mana suhunya sentiasa dibawah 25°C. Lindungi daripada cahaya. Simpan dalam bekas yang tertutup rapat.

Jangan simpan ubat didalam bilik mandi, berdekatan dengan sinki atau ambang tingkap.

Jangan tinggalkan ubat ini di dalam kereta terutama semasa cuaca panas.

Jangan ambil ubat ini sekiranya telah melepasi tarikh luput yang dicetak pada bungkusannya. Tarikh luput merujuk kepada hari terakhir bulan itu.

Pastikan semua ubat tidak dapat dilihat dan dicapai oleh kanak-kanak.

### -Pelupusan

Ubat tidak harus dilupuskan melalui air buangan atau sisa isi rumah. Dapatkan maklumat daripada ahli farmasi anda mengenai cara yang betul untuk melupuskan ubat yang tidak diperlukan lagi. Langkah-langkah ini dapat membantu melindungi alam sekitar.

## Maklumat lanjut

### -Rupa dan warna produk

Larutan cerah tanpa warna

### -Bahan-bahan kandungan:

Bahan aktif:-

Salbutamol Sulphate 2mg bagi setiap 5ml

Bahan-bahan tidak aktif:-

Sorbitol 70%, Propyl Paraben, Raspberry flavor, Sodium Citrate, Refined sugar, Citric Acid Anhydrous, Methyl Paraben, Propylen Glycol dan Purified Water.

### -Nombor MAL:

MAL19870728AZ

## Pengilang:

Pharmaniaga Manufacturing Berhad (60016-D),  
11A, Jalan P/1,  
Kawasan Perusahaan Bangi,  
43650 Bandar Baru Bangi,  
Selangor Darul Ehsan,  
Malaysia.

## Pemegang Pendaftaran Produk:

Pharmaniaga Manufacturing Berhad (60016-D),  
11A, Jalan P/1,  
Kawasan Perusahaan Bangi,  
43650 Bandar Baru Bangi,  
Selangor Darul Ehsan,  
Malaysia.

# PHARMANIAGA SALBUTAMOL SYRUP

Salbutamol (2mg/5ml)

---

**Tarikh kemaskini RiMUP:**  
05/09/2017

**Nombor Siri:**  
NPRA(R4/1)290817/00238